



12. marts 2015

Inatsisartut suleriaasianni § 37 imm. 1 naapertorlugu Naalackersuisunut ima apeqquteqarpunga:

Naalackersuisunut apeqqutit:

- 1) § 37 naapertorlugu apeqquteqaatinnut nr. 52-imut kiisalu 11. marts Inatsisartuni apeqqarissaarnermi Naalackersuisut siulittaasuat akissuteqarpoq, Pituffimmut pisami Naalackersuisut qanoq akuutigisimanerannut Naalackersuisut arlaannaannulluunniit attuumassuteqanngitsutut oqaatigineqarluni advokatimik misissuisitsiniarneranni suliaakkiissutip imaa avammut saqqummiunneqassanngitsoq. Pingasunngornermi 11. marts, Naalackersuisut Siulittaasuata aamma ullormi apeqqarissaarneqarfiani, AG-mi suliaakkiissutitut isikkoqartoq saqqummiunneqarpoq. AG-mi saqqummiunneqartup advokatimit misissuisitsinissamut suliaakkiissutaanerani Naalackersuisut uppersaasinnaappat?
- 2) Naalackersuisut Siulittaasuat uannut allakkamini oqaatigivaa, advokati toqqarneqarsimasoq Namminersorlutik Oqartussanit aalajangersimasumik suliaqartitaaneq ajormat misissuisitsinissaq arlaannaannulluunniit attuumassuteqanngitsumik suliaakkiissatut taaneqarsinnaasoq. Advokatili taannarpiaq siornatigut Naalackersuisunut inatsisitigut nassuiaatitalimmik akissuteqaasiornermi (juridisk respondum) suliaqartinneqarsimavoq, tamannalu taamanikkut suliaakkiisunik illersuutaasutut avataanniit taakkartorneqarpoq. Naalackersuisut tamanna qanoq isumaqarfigivaat?
- 3) AG-mi saqqummiunneqarpoq advokati taanna tassaasoq Ole Spiermann. Naalackersuisut tamanna uppersarsinnaavaat?
- 4) 2009-mili Namminersorlutik Oqartussat atuutilernerannit advokatimit misissuisitsinerit, inatsisitigut nassuiaatitalimmik akissuteqaasiortitsinerit (juridisk respondum) assigisaalluunniit qassit Ole Spiermann aamma/iml. advokatfirmaet Bruun og Hjejle-mit suliarineqarsimappat?
- 5) § 37 naapertorlugu apeqquteqaammut Naalackersuisut Siulittaasuat akivoq misissuisitsinermut tunngatillugu kikkut tamarmik nipangiussisussaassuseqarnermik peqquneqarsimasut. Taamaattorli AG-p misissuisitsinissamut suliaakkiissut pissarsiarisimavaa, massa Naalackersuisut isertugassatut peqqusigaluartut. Tamatumunnga Naalackersuisut qanoq isumaqarpat?
- 6) Nipangiussisussaataanermit peqqusinerup malinngitsoorneqarsimaneranut tunngatillugu Naalackersuisut kinguneqartitsissappat?

- 7) Advokatimit misissuisitsinerup inernerisa saqqummiunneqannginnissaannik Naalakkersuisut aalajangiissappata, taava misissuisitsinerup sumut atorneqarnissaanik Naalakkersuisut qanoq takorluugaqarpat?
- 8) Advokatimit misissuisitsinissap suliakkiissutertaa Inatsisartut Ataatsimiititaliaasa arlaannut nassiunneqarsimava, misissuisussallu kikkunerat paasissutissiissutigineqarsimava?
- 9) Taamaassimappat tamanna qanga pisimava?
- 10) Advokatimit misissuisitsinerup qanoq akeqarnissaa naatsorsuutigineqarpa?

(Inatsisartuni ilaasortaq Sara Olsvig, Inuit Ataqtigiit)

Tungavilersuut:

§ 37 naapertorlugu apeqquteqaatinnut nr. 52-imut Naalakkersuisut akissumminni Pituffimmi pisoq pillugu Naalakkersuisut qanoq akuutigisimanerannut tunngatillugu advokatimit misissuisitsinissamut pilersaarutitik itisiliiffigivaat. Suliakkiissutip imaata misissuisitsinissallu paasissutissartaasa isertuunneqarnissaannik Naalakkersuisut isummersimapput, soorlu aamma advokatimit misissuisitsinissap arlaannaannulluunniit attumassuteqannginneranik isumaqartoqartoq. Taamaattorli advokatimit misissuisitsinissamut tunngasut, suliakkiissutip imaa advokatillu misissuisussap aqqa ilanngullugit, AG-mi atuarneqarsinnaapput. Massa Naalakkersuisut misissuisitsinissamut tunngasutigut saqqummiussinnginnissamik peqqusigaluartut. Tamanna Inatsisartut paasisaqariagaannik apeqqtissaqartitsilerpoq.

Apeqqutima ullut suliffiusut qulit iluanni akineqarnissaat kissaatigaara.